

ԵԿԵՂԵՑԻՈՅ ՄԻՈՒԹԻՒՆ

Posted on August 9, 2015 by Keghart



Category: [Opinions](#)



«Ուխտի Հարիւրամեակ, Յետոյ Ի՞նչ» Շարքէն

Ոսկան Մխիթարեան, Լոս Անճելըս, 9 Օգոստոս 2015

**Իրական եւ գործնական համերաշխութիւնը այն ատեն միայն կարելի պիտի ըլլայ
ձեռք բերել երբ անձնականութենէ շատ բարձր համարուին Աթոռներու պատմական
եւ նուիրական դիրքը եւ մանաւանդ այն օգուտը՝ որ պիտի ծնի համերաշխութենէ
եւ որմէ պիտի օգտուին Եկեղեցին եւ Ժողովուրդը:
Սահակ Կաթողիկոս Կիլիկիոյ**

Անգամ մը եւս սահմանենք թէ ի՞նչ կը հասկնանք կամ ի՞նչ պէտք է հասկնանք եկեղեցի ըսելով:
Եկեղեցին Քրիստոսի հաւատացող մարդոց համախմբումն է, որ աստուածային շնորհներու
ընկալումով կը ձգտի հասնիլ Քրիստոսի քարոզած անւտարանական վեհ գաղափարներուն:



Թեւ Եկեղեցի ըսելով նաեւ կը հասկնանք հաստատութիւն մը, բայց այդհաստատութիւնը
ամբողջական է, երբ հոն մեկտեղուած կան կառոյցը (շէնքը), ժողովուրդը, դաւանանքն ու
պաշտամունքը եւ եկեղեցւոյ պաշտօնեութիւնը, որ եկեղեցականութիւնն է մասնաւորաբար:
Եկեղեցականութիւն կոչեցի փոխանակ ըսելու հոգեւորականութիւն, որովհետեւ առ հասարակ
այսօր այդտեղ ոչինչ կայ հոգեւոր այլեւս. հոն կայ միայն սնանկացած եկեղեցականութիւն մը,
պարպուած բոլոր աստուածահաճոյ հոգեւոր արժէքներէն եւ դարձած ամսականաւոր
պաշտօնեութիւն, որուն կը հետաքրքրէ միայն փառքն ու պատիւը եւ ամենէն շատ դրամը
(բացառութիւնները միշտ յարգելի են:

«Ուխտի Հարիւրամեակ, Յետոյ Ի՞նչ» Շարքէն

Ոսկան Մխիթարեան, Լոս Անճելըս, 9 Օգոստոս 2015

**Իրական եւ գործնական համերաշխութիւնը այն ատեն միայն կարելի պիտի ըլլայ
ձեռք բերել երբ անձնականութենէ շատ բարձր համարուին Աթոռներու պատմական
եւ նուիրական դիրքը եւ մանաւանդ այն օգուտը՝ որ պիտի ծնի համերաշխութենէ
եւ որմէ պիտի օգտուին Եկեղեցին եւ Ժողովուրդը:
Սահակ Կաթողիկոս Կիլիկիոյ**

Անգամ մը եւս սահմանենք թէ ի՞նչ կը հասկնանք կամ ի՞նչ պէտք է հասկնանք եկեղեցի ըսելով:
Եկեղեցին Քրիստոսի հաւատացող մարդոց համախմբումն է, որ աստուածային շնորհներու
ընկալումով կը ձգտի հասնիլ Քրիստոսի քարոզած անւտարանական վեհ գաղափարներուն:



Թեւ Եկեղեցի ըսելով նաեւ կը հասկնանք հաստատութիւն մը, բայց այդհաստատութիւնը
ամբողջական է, երբ հոն մեկտեղուած կան կառոյցը (շէնքը), ժողովուրդը, դաւանանքն ու
պաշտամունքը եւ եկեղեցւոյ պաշտօնեութիւնը, որ եկեղեցականութիւնն է մասնաւորաբար:

Եկեղեցականութիւն կոչեցի փոխանակ ըսելու հոգեւորականութիւն, որովհետեւ առ հասարակ այսօր այդտեղ ոչինչ կայ հոգեւոր այլեւս. հոն կայ միայն սնանկացած եկեղեցականութիւն մը, պարպուած բոլոր աստուածահաճոյ հոգեւոր արժէքներէն եւ դարձած ամսականաւոր պաշտօնեութիւն, որուն կը հետաքրքրէ միայն փառքն ու պատիւը եւ ամենէն շատ դրամը (բացառութիւնները միշտ յարգելի են:

Հայ ժողովուրդին կեանքը յուզող եւ տագնապեցնող ամենալուրջ հարցերէն մէկն է Հայոց. Եկեղեցւոյ միութեան հարցը, որուն մասին միայն կը խօսուի եւ ո'չ մէկ լուրջ աշխատանք կը տարուի զայն կեանքի կոչելու: Բոլորս գիտենք որ Եկեղեցին դարերու ընթացքին եղած է հայ լեզուի եւ մշակոյթի պահպանման եւ զարգացման գանձարանը: Ուստի աններելի կը գտնենք մեր այսօրուան «ղեկավարութեան» անտարբերութիւնն ու ենթակայութիւնը:

Մեր ժողովուրդի առջեւ ցցուող արգելքները բազմաթիւ են, որոնք յաճախ դիտաւորեալ կերպով ստեղծուած են մեր կեանքը բարդացնելու համար: Սակայն՝ մեզի կը պակսին այդ խոչընդոտները յաղթահարելու կամքն ու կորովը եւ ընկղմած ենք համատարած անտարբերութեան մէջ, որովհետեւ դադրած ենք հաւատալէ որ Եկեղեցին Եական դեր ունի կատարելիք մեր ազգային կեանքին մէջ:

Վերջին հարիւրամեակի քաղաքական հալածանքները, տեղահանութիւններն ու գաղթական կեանքը՝ իրենց կազմալուծիչ ազդեցութիւնն ու դրոշմը բերին մեր ժողովուրդի ընդհանուր աշխարհայեացքին վրայ, մասնաւորաբար Արեւմտեան աշխարհի մէջ, ուր ազգովին կլանուեցանք Նոր բարքերու յորձանուտին մէջ: Պայմաններու բերումով, մերազգային կեանքին մէջ յառաջ եկած այս փոփոխութիւնները Նոր հանգրուանի մը առջեւ դրին Հայ ժողովուրդի ընկերային-հասարակական կեանքը, մասնաւորաբար գաղթավայրերու մէջ, ուր ամբողջութեամբ ենթարկուեցանք միջավայրի պայմաններուն, երբեմն ալ մեր աւանդութիւններուն հակոտնեայ սկզբունքներու, ստեղծելով այնպիսի պայմաններ՝ ուր եղծուեցան մեր ազգային բոլոր սկզբունքներն ու նկարագիրը:

Հետեւաբար՝ վերակենդանացնելու համար Եկեղեցւոյ միութիւնը, անհրաժեշտ կը գտնենք մէկի թողուլ մեր անցեալի դառն փորձութիւններն ու փորձառութիւնները որուն մասին ցատումով կ'անդրադառնայ Հրաչ Միրզախանեան՝ «Նոր Աշխարհ» ("NOR ASHKHAR" Armenian Cultural Social Weekly, 33 Sistou Str., GR 18450 NIKEA GREECE) Աթենքի մէջ հրատարակուող շաբաթաթերթին մէջ: Նկատի ունենալով հայութեան կատարած միասնականութեան ուխտը ցեղասպանութեան հարիւրամեակին առիթով, անտեղի կը նկատենք, սնանկացած վաճառականներու պէս, հին հաշիւներու տետրակներուն մէջ փնտռել պատասխանատուները՝ անցեալի մեր սխալներուն, որոնց մէջ անտարակոյս բոլորս ալ բաժին ունինք. **կարեւորը ա'յն է՝ թէ ի՞նչ սորվեցանք մեր սխալներէն:**

Շա՛տ հետաքրքրական է «Նոր Աշխարհ»ի խմբագրութեան կողմէ տրուած բացատրութիւնը. «Հիմա, Հրաչ Միրզախանեանի ներկայ յօդուածին (զոր կու տանք Նոյնութեամբ, առանց յապաւումի) ընդմէջէն բարձրացուած ցանն ու մտահոգութիւնները՝ ի խնդիր Հայաստանեայց Առաքելական Սուրբ

Եկեղեցւոյ միասնականութեան ու անսասանութեան եւ եկեղեցական տագնապի լուծման, տեղին հարցադրումներ են՝ իւրաքանչիւր քրիստոնեայ հայու մատը չսպիացող վերքին դնող: Ա՛լ աւելին, ընդվզումի կոչեր են՝ Հայաստանեայց Եկեղեցւոյ անսասանութեան սպառնացող եւ ներսէն նիւթուած փոթորիկներուն դէմ, որպէսզի հայ քրիստոնեան մեր դարաւոր արմատներուն կապուի, որպէսզի Եկեղեցին կանոնադրական դատարկութենէ ու եկեղեցական կեանքն ալ փտածութենէ փրկուի, եւ կարելորագոյնը՝ Եկեղեցին մաքրագործուի խտրականութեան որչ դարձած կուսակցականութեան թանձրաթանձր կեղտէն»:

Կասկածէ վեր է որ «Նոր Աշխարհ» շաբաթաթերթի խմբագրութիւնը կը բաժնէ Հրաչ Միրզախանեանի տեսակետները եւ անոնց վրայ կ'աւելցնէ նաեւ իր վրդովմունքն ու մտահոգութիւնները, ինչպէս նաեւ իր թելադրութիւնները, զորս պիտի ուզէինք մեր խորհրդածութեան առարկան դարձնել յաջորդող պարբերութիւններուն մէջ.-

1.- «Հայաստանեայց Եկեղեցւոյ անսասանութեան սպառնացող եւ ներսէն նիւթուած փոթորիկներուն» գլխաւոր պատճառները նոյն ինքն եկեղեցականներն են, որոնք կը տառապին կղերապետութեան անյազ ախորժակներէ, եւ ուրիշներ՝ ստրկական հոգեբանութենէ, չգրկուելու համար իրենց աթոռներէն եւ ամսականներէն: Եթէ պատուախնդիր ըլլայ Հայ Եկեղեցականութիւնը (բացառութիւնները միշտ յարգելի) Եկեղեցին խաղալիկ չի կրնար ըլլալ ո՛չ մէկ կազմակերպութեան ձեռքը: Այստեղ կ'արժէ յիշել եւ յիշեցնել Երուսաղէմի հանգուցեալ Պատրիարք Եղիշէ Արք. Տէրտէրեանի մէկ խօսքը՝ ուղղուած Հնչակեան ծանօթ ղեկավարի մը, Պէյրութի մէջ, վստահաբար իրեն յատուկ սրամիտ քննիծաղով մը. «Դաշնակցականները՝ Կիլիկիոյ Կաթողիկոսութիւնը գրաւեր են, Ռամկավարները՝ Ամենայն Հայոց Կաթողիկոսութիւնը, դուք ալ եկէ՛ք Երուսաղէմը գրաւեցէք:» Պէտք կա՞յ յաւելեալ մեկնաբանութեան:

2.- «Որպէսզի Եկեղեցին կանոնադրական դատարկութենէ ու եկեղեցական կեանքն ալ փտածութենէ փրկուի», այս մասին կարելի է ստուար հատոր մը գրել եւ ժամանակին զանազան յօդուածներով անդրադարձած ենք այս իրողութեան, բայց կ'արժէ անգամ մը եւս անդրադառնալ այս տխուր իրողութեան աւելի հակիրճ կերպով: Կանոնագրական դատարկութիւնը յառաջ եկած է մասնաւորաբար կաթողիկոսական մեր երկու Աթոռներու գահակալներու սանձարձակ գործունեութենէն: Դժբախտաբար Եկեղեցւոյ խունկը եւ եկեղեցական պաշտօնեութեան բեմական հրապոյրը առաւել հիմնական տեղ կը գրաւեն մեր ժողովուրդի հոգիին մէջ քան Հայոց. Եկեղեցւոյ ժողովրդապետական կառոյցը նուիրագործող եւ ամրացնող պատուանդանը որ կը կոչուի ՕՐԷՆԹ:

Ցաւ ի սիրտ կը յայտարարենք, թէ բացորոշ վարանք մը կայ կարգ մը պատասխանատու մարդոց մօտ, ներառեալ մեր բոլոր կազմակերպութիւնները անխտիր՝ ազգային-եկեղեցական սահմանադրական կարգերը անխախտ պահելու, եւ մասնաւորաբար սանձելու բաժրաստիճան եկեղեցականներու ակներեւ յաւակնութիւններն ու յիսորտանքները, եւ պարտադրել որ մնան անոնք իրենց կոչումին

թելադրած պարկեշտութեան մէջ: Ինչո՞ւ չեն սանձեր. որովհետեւ կազմակերպութեանց հաշւոյն կու գայ որ այդ դժբախտ եւ տխուր իրողութիւնը շարունակուի եւ իրենք կարենան գործել եւ շահագործել ի հաշիւ իրենց կազմակերպութեան եւ նաեւ անհատական շահերուն: Հայց. Եկեղեցւոյ բարձրագոյն **գործադիր** իշխանութիւնը, որ օրուան կաթողիկոսն է, պարտաւոր է յարգել սահմանադրական կարգերը, որովհետեւ ժողովրդավարական կարգերու անտեսումը արհամարհանք մըն է Հայ ժողովուրդի նուիրական եւ անկապտելի իրաւունքներուն հանդէպ:

«Եկեղեցւոյ կանոնադրական դատարկութեան» յոռեգոյն դէպքերէն մէկը տակաւին թարմ է մեր բոլորին յիշողութեան մէջ: Անցեալի տարի մեր Եկեղեցական կեանքէն ներս կատարուած սանաձարձակութեան բացայայտ օրինակներէն` Ֆրանսայի Առաջնորդ` Նորվան Արք. Չաքարեանի հրաժարականի պարագան էր: Ահաւասիկ այսպիսի վաստակաշատ բարձրաստիճան հոգեւորական մը թիրախ կը դառնայ Ամենայն Հայոց Հայրապետի` Ն.Ս.Օ.Տ.Տ. Գարեգին Բ. Կաթողիկոսի քինախնդրութեան եւ վրէժխնդրութեան. «Վեղարը գլխիցդ կ'աննեմ, փիլոնագուրկ կ'աննեմ, կը կանգնեցնեմ դասի մէջ, հաւատացեալները կը գան կը տեսնեն որ դու պատժուած ես. մկրտութիւն, պսակ թաղում չես կարող անել»...: Ո՛հ, ինչ ողբերգութիւն...

Հայաստանեայց Առաքելական Եկեղեցին կը դիմագրաւէ նաեւ նոր տագնապներ` Փարիզէն, Նիսէն մինչեւ Ժընէն, Գանատայէն մինչեւ Հարաւային Ամերիկա, Պուլկարիայէն մինչեւ Հնդկաստան: Այժմեական Կանոնագրութեան մրբացակայութիւնը առիթ տուած է Ամենայն Հայոց Կաթողիկոսին` չարաշահելու իր դիրքն ու հեղինակութիւնը հայրենի պետական օրինութեամբ:

Հոգեբանական այս բարդոյթէն (մեծամտութիւն եւ անտառային օրէնքի հասկացողութիւն) կը տառապի նաեւ Մեծի Տանն Կիլիկիոյ Կաթողիկոս Արամ Ա.-ը, որ բազմիցս յայտարարած է իր կրտսեր միաբաններուն. «Ան որ չի հնազանդիր իմ հրահանգներուս, քուրջի նման կը ճգմեմ եւ կը ստորնացնեմ այդ անձը, գերոյի կը վերածեմ»,-- կը վկայեն երիտասարդ միաբաններ: Ո՛հ ինչ փոքրոգութիւն...

Հայաստանեայց Առաքելական Եկեղեցւոյ մէջ հոգեւոր իշխանութիւնը Եկեղեցականութիւնն է, եւ սակայն վարչական-ժողովական կեանքի մէջ` կաթողիկոսներ, պատրիարքներ եւ առաջնորդներ գործադիր իշխանութիւնը կը ներկայացնեն եւ որեւէ օրէնսդրական յաւակնութիւն չեն կրնար ունենալ, եւ պետք չէ ունենան, **որովհետեւ օրէնքէ վեր ոչ մէկ իշխանութիւն գոյութիւն ունի**, եւ ուրեմն որեւէ հանգամանք պետք չէ գիրենք մղէ ինքնիշխան դառնալու յանձնապաստանութեան:

Կաթողիկոսներ կը կարծեն որ իրենք են օրէնքը եւ հետեւաբար կրնան անիրաւել եւ բռնաբարել մարդկային ազնիւ զգացումները, որովհետեւ իրենք ամէն օրէնքէ վեր կը մնան: Այս մտածելակերպը մեզ առաջնորդած է քառասային ողբալի վիճակի մը: Ինչպէ՞ս կարելի է սպասել, որ Եկեղեցւոյ հոգեւոր սպասաւորութեան թեկնածուներ յանձն առնեն մուտք գործել սեմէն ներս այնպիսի հաստատութեան մը, ուր կը բացակայի «սիրոյ,

շնորհքի, արդարութեան քաղցր մթնոլորտը», եւ ուր, ըստ պարագայի, երկի՛ցս եւ երի՛ցս Ս. Հոգւոյ շնորհներուն օծումը ստացած իշխանաւորներ՝ ստորադասներու հանդէպ լոկ սարսափի ու նուաստացման ապաշնորհ վարքագիծի մը մէջ կ'ըմբռնեն իրենց «հոգեւոր հայրութեան» դերակատարութիւնը.....:

Հոն ուր օրէնք չկայ, այնտեղ կայ կամապաշտութիւն եւ անտառային օրէնք, որոնց հետեւանքով կը կորսնցնենք ժողովուրդը լսելու մեր ունակութիւնը՝ յաղթահարելու համար անտարբերութիւնը անոր, նամանաւանդ մեր նորահաս երիտասարդներուն, որոնք ականատես եւ ականջալուր վկաներն են մեր Եկեղեցւոյ հոգեւոր կեանքին ուժացման եւ սնանկութեան:

Վերադառնանք Եկեղեցական կեանքի ա՛յլ ցաւերուն:

Սոյն յօդուածի շարունակութիւնը ընթերցելու համար խփեցէք [Եկեղեցւոյ Միութիւն](#).- Խմբ.

